

Linija rada: 02
Op.radnik: 405
Broj: 14-1723
Dana, 10.10.1995.godine

SLUŽBENA ZABILJEŠKA O INFORMATIVNOM RAZGOVORU

I

Izvor: ZUKANOVIĆ BEGO, sin Huseina, r. 11.03.1978.godine u Grujčićima, opština Srebrenica, trenutno smješten u izbjegličkom naselju u Špionici.

Podaci se odnose na okolnosti zarobljavanja i boravak izvora u logoru "Batković".

Razgovor je obavljen u prostorijama Sektora, dana 02.10.1995.godine od 8,30 do 10,30 sati.

Troškova sastanka nije bilo.

Datum podnošenja zabilješke 03.10.1995.godine.

II

Razgovor je obavljen u cilju prikupljanja bezbjednosnih saznanja u vezi zarobljavanja lica iz Srebrenice prilikom proboja za Tuzlu.

III

Dana 11.07.1995.godine izvor je, zajedno sa vojskom i ostalim narodom koji nije želio da se preda agresorskim vojnicima u Srebrenici, krenuo u proboj prema Tuzli. U koloni sa ostalim narodom išao je do Sandića. U blizini Sandića, dok se narod odmarao u jednoj šumi, kolonu su nadlijetali agresorski avioni koji su bacali bojne otrove. Poslije nekoliko trenutaka u toj šumi došlo je do pada jedne bukve od koje je poginulo oko pet izvora nepoznatih lica, a isto vrijeme po narodu je otvorena jaka artiljerijska paljba usljed čijeg djelovanja je poginulo više izvora nepoznatih lica. U trenutcima artiljerijskog napada u narodu je zavladao panika i narod se razbježio na sve strane. Sa tog mjesta izvor je krenuo sa Mujanović Izetom, Alić Damirom, Pitarević Senaidom, izvjesnim Žakom i još četiri njemu nepoznata lica, prema Tuzli. Pošto niko od njih nije poznavao teren i put do Tuzle, lutali su po šumama sve do 21.07.1995.godine. Tog dana stigli su na Crni vrh, opština Zvornik. Dok su po Crnom vrhu lutali gladni i iznemogli vidjeli su dva lica koja su nosila nekoliko hljebova. Ta dva lica su im prišla i rekla da su i oni iz Srebrenice i da su se predali agresorskim vojnicima, te da su ih oni poslali da pozovu preostali narod koji se krije po šumama da se preda i da će agresorski vojnici narednog dana vršiti pretres terena, te da će prilikom pretresa ubiti svakog koga nadju u šumi. Tada su odlučili da se predaju agresorskim vojnicima. Prilikom predaje na Crnom vrhu izvor je vidio 15 agresorskih vojnika, uglavnom starijih osoba, koje поближе ne može da opiše. Agresorski vojnici ih nisu tukli već su ih autobusom prebacili za Karakaj. U Karakaju su proveli dva sata u objektu koji je sagrađen od betonskih elemenata bez prozora, a nalazi se sa lijeve strane puta Karakaj-Zvornik. U pomenutom objektu nije bilo drugih zatvorenika. Nakon dva sata provedena u Karakaju popisali su ih i autobusom prevezli za Batković. Prilikom dolaska u Batković u logoru je bilo oko 50 zatvorenika. Poslije izvorovog dolaska u logor Batković broj zatvorenika se svakodnevno povećavao, tako da je pred razmjenu bilo oko 230 lica. Za vrijeme boravka u logoru Batković izvora je izvodio na ispitivanje izvjesni vodnik Lujčić, star oko 25 godina, visok, krupan, crn, a izvora je pitao za oca i braću gdje mu se nalaze, kao i pripadnici Armije RBiH iz Srebrenice.

00371759

Pošto je izvor maloljetan nisu ga slali na kopanje rovova na Majevidi, već su ga zajedno sa još 10 maloljetnih lica vozili kamionima u Novo Selo kod Bijeljine gdje su kupili krompir.

Izvor nije očevidac ni jednog ubistva i fizičkog maltretiranja za vrijeme boravka u logoru.

Logor Batković obezbjeđuje tri stražara u jednoj smjeni. Upravnik logora izvoru nije poznat, a čuo je da je ~~izvjesni~~ potpukovnik.

Prema izvorovim riječima, svi zatvorenici u logoru Batković su registrovani od strane MK CK. Predstavnici MK CK od zatvorenika traže da se izjasne da li žele ići za razmjenu u Tuzlu, ili deportaciju za inostranstvo.

Izvor nas je upoznao da Mehičić Samir, Delić Nezir i izvjesni Lovrić ^(Pero) ne žele da budu razmijenjeni već su tražili deportaciju za inostranstvo.

Izvor je razmijenjen 29.09.1995.godine.

V

Primjedbe, ocjene i mišljenje nadležnih starješina

As

DOSTAVLJENO:

1 x Odjeljenje 02

1 x OA Sektora SDB Tuzla

00371760

00371760